

ՈՒՇ ԲՐՈՆՁԵ ԷՊՈԽԱՅԻ ՄԻ ՔԱՆԻ ՆՈՐԱՀԱՅՏ ՊԱՇՏԱՄՈՒՆՔԱՅԻՆ ՀՈՒՇԱՐՁԱՆՆԵՐ

Հայաստանում կատարվող հնագիտական ուսումնասիրություններն անցյալ տարի նշանավորվեցին պաշտամունքային մի շարք հուշարձանների հայտնաբերումով:

Այդ հուշարձանները հիմնականում քարե կուռքեր և ֆալլիկ քանդակներ են, շինարարական աշխատանքների ու հնագիտական ուսումնասիրությունների ժամանակ հայտնաբերված, և առանձնակի հետաքրքրություն են ներկայացնում հին Հայաստանի տեղաբնիկների պաշտամունքի ուսումնասիրման գործում:

Ներկայումս Հայաստանում հայտնաբերված պաշտամունքային հուշարձանները կազմում են մի մեծ խումբ, որոնց առանձին օրինակները գտնվել են ռեսպուբլիկայի տարբեր հնավայրերում: Զգալի թվով պաշտամունքային հուշարձաններ են հայտնաբերվել և նախկինում, Կարմիր-րլուրի (Թեյշեբաինի)¹, Դվինի² պեղումների ժամանակ և պատահաբար՝ Աղջա-դալա (Էմիածնի շրջան) գյուղում:

Այս հուշարձանները հիմնականում պտղաբերության ու երկրագործական պաշտամունքի առարկաներ են, որոնց մասին աղպագրական տվյալները անհամեմատ լավ են պահպանվել Հայաստանում:

Մենք այստեղ բերում ենք 1961 թ. Հայաստանի տարբեր շրջաններում հայտնաբերված պաշտամունքային հուշարձանների միայն համառոտ նկարագրությունը:



Նկ. 1. Գորիսի շրջանում հայտնաբերված կուռքը

Քարե կուռքերից մեկը հայտնաբերվել է Դերիսի շրջանի Յալջի գյուղում՝ շինարարական աշխատանքների ժամանակ և ներկայումս գտնվում է տեղի գավառագիտական թանգարանում (նկ. 1):

Կուռքը կերտված է սպիտակագորշ բազալտից, ունի 76 սմ բարձրություն և բովանդակում է հինգ դիմաքանդակ:

Վնասված են կուռքի հինգ դիմքերից երեքը՝ կզակների ներքևի ծայրերը և բուրդի բթերը:

Բոլոր դիմքերի քանդակման սկզբունքը, ինչպես և համամասնության պահպանման հույնությունը, ընդհանուր է, դիմքերը կրկնում են մեկը մյուսին: Դիմքերը՝ մեկ ընդհանուր գլխով և մեկ ընդհանուր դանաձև պարանոցով հենվում են քառակուսի պատվանդանի վրա և տեսանելի են բոլոր կողմերից:

Դիմաքանդակների վրա պարզորոշ երևում են դուրս ընկած, քիչ կոթ, սակայն լայն ճակատը, խորաքանդակ աչքերն ու բերանը, սուր ցուլած քիթը: Դիմքերը լայն են և քանդակման հիմնական սկզբունքով հավասար բոլոր մասերում:

Դիմքերի կզակները սուր են, դուրս ցցված և չեն միանում պարանոցին: Հավանաբար քարե

այս կուռքը դրված է եղել պաշտամունքային որևէ շինության մեջ, կենտրոնական մասում:

Մեկ ուրիշ քարե կուռք հայտնաբերվել է Կիրովականի շրջանի Լեռնապատ գյուղում և ներկայումս ցուցադրված է Կիրովականի գավառագիտական թանգարանում³:

Էրիվ չպահպանված (կեսից կտրված) այս արձանը մոխրագույն բազալտից է, ունի 35 սմ բարձրություն և 20 սմ լայնություն:

¹ А. А. Мартиросян, Город Тейшебаини, Ереван, 1961; В. С. Сорокин. Древние идолы города Тейшебаини, Известия АН АрмССР, № 5, 1951.

² Կ. Ա. Ֆադայան, Դվին քաղաքը և նրա պեղումները, Երևան, 1952, հատ. 1:

³ Կուռքը հայտնաբերվել է աղպագրագետ Վ. Բյուշանի կողմից:

Ասանց բերանի զեմբի վրա պարզ երևում են բարձրաբանդակ բիթր և խորաբանդակ աչքերը: Դեմքը հարթ է, վերին մասում նեղ, իսկ ստորինում՝ լայն: Արձանը ամբողջական զլան է: Կլխի ծախ կողմում պարզորոշ երևում է քառակուսի ականջը:

Առանձնակի նկատարություն են ներկայացնում 1961 թ. էջմիածնի շրջանի Ջեյվա գյուղի մոտ գտնվող Կրգրլ-Թափա բլրից մեր հայտնաբերած պաշտամունքային հուշարձանները:

Այդ հուշարձաններից մեկը մուգ ցորնագույն տուֆից քանդակված մի քառակող կոթող է 1 մ 50 սմ բարձրությամբ և 30 սմ հաստությամբ ու հանդիսանում է ներկայումս միակ պահպանված, ամբողջական կուտրը Հայաստանում (նկ. 2):


Այս բարե կուտրը հարթ, պրիմիտիվ քանդակագործության լավագույն նմուշներից մեկն է և ձևավորման հատկանիշներով բիշ է տարբերվում վերը նկարագրած Եւրիսի և Կիրովականի շրջաններից հայտնաբերված կուտրերից:

Քառակող հարթ բարի վրա երևում են օվալաձև, կղակի մասում սրվող բարձրաբանդակ զեմբը, մի հնարով կերտած ուղեղ բիժո և հագիվ նշմարելի խորաբանդակ աչքերն ու բերանը:

Կոթողի վերին մասում, գլխի մոտ, երկու կողմերից երևում են բարձրաբանդակ օվալաձև ականջները և նրանից ցած՝ մեծ ականջօղերը:

Հարթ մարմնի վրա հազիվ նշմարվում է պարանոցը, որի վրայով, կոթողի բոլոր կողմերից անցնում են շորս սիմետրիկ գծեր, որոնք հավանաբար սրպես ուլունքներ զարդարում են կուտրը: Արձանի հակառակ կողմում, գլխի ետևում և ծախ կողմում, ականջի փոխարեն պահպանվել են իրար միացող երկու փոսիկներ:

Կրգրլ-Թափայից հայտնաբերված կուտրերի մեջ եզակի օրինակ է նաև նստած կնոջ կավե մասսիվ արձանիկը, որի ստորին և առջևի մասերը լավ չեն պահպանվել (նկ. 3): Այն ունի 15 սմ բարձրություն և 8 սմ լայնություն ու լինելով նույնպես հարթ, պրիմիտիվ քանդակագործության նմուշ, իր ձևավորման հիմնական սկզբունքներով կրկնում է նախորդ, վերը արդեն նկարագրած քանդակներին:



Նկ. 2. Բարե կուտր Կրգրլ-Թափայից



Նկ. 3. Կնոջ կավե նստած կնոջ Կրգրլ-Թափայից

Հարթ, կտր դեմքի վրա հազիվ նշմարվում է ճակատը և նրա վրայից մինչև պարանոցը իջնող, մազերը պատկերող զարդանկարը: Դեմքի վրա դուրս է ցցված մեծ և կտր թիթը, որի երկու կողմերում և անմիջապես տակը երևում են սուր գործիքով փորված աչքերն ու բերանը: Պարանոցը ծածկված է ուլունքների մի հաստ շարքով: Արձանի մարմնի վրա, ուղիղ կենտրոնում, երևում է հավանաբար հազուստը կամ կրծքակալը պատկերող ուղղանկյուն, հորիզոնական գծերով զարդանկար: Կրծքակալի երկու կողմերից, պարանոցից սկսած, իջնում են երկուական իրար զուգահեռ գծեր: Արձանի ստորին մասի վրա, բոլոր կողմերից փորագրված են զարդանկարներ:

Նկարագրված պաշտամունքային հուշարձաններն իրենց բանդակման ոճով, նդանակներով ու ձևավորումով լավագույն զուգահեռներն են գտնում հանձինս Կարմիր-բլուրից և Դվինից հայտնաբերված կուռքերի:

Այսպիսի զուգահեռների գոյությունը մատնանշում է նաև այդ հուշարձանների թվագրությունը, որն արդեն ճշտված է ուսումնասիրողների կողմից, այն է՝ XIII—XII դդ. մ. թ. ա.⁴

Լ. ԲԱՐՍԵՂՅԱՆ

⁴ А. А. Мартиросян. Идолы из раскопок Кармир-блур, «Պատմա-բանասիրական հանդես», 1958, № 2, էջ 136—138: